



Inatsisartuni ilaasortaq
Anders Olsen
Siumut

Imeruersaatit pillugit § 37 naapertorlugu apeqqut nr. 2016-188-imut akissut

Sagsnr. ~~2016-188~~2056
Dok. Nr. 3208100

Asasara Anders Olsen

Postboks 1614
3900 Nuuk

21. juli 2016-imi imeruersaatiniq tuniniagaqarneq puunillu utertitsisarneq pillugu Naalakkersuisunut apeqquteqarputit.

Tlf. (+299) 34 50 00
Fax (+299) 34 54 10
E-mail: pann@nanoq.gl
www.naalakkersuisut.gl

Apeqqutit uannut akisassanngorlugit innersuunneqarput.

Aallarniutigalugu oqaatigissavara, poortueriaatsimik atuuttumik nalunaarsuiffiusumik aammalu poortueriaatsimik nutaamik atuilernissamut periarfissanik misissuiffiusumik Naalakkersuisut siunnersortinik nalunaarusiortitsisimmammata (imm. 1).

Naalakkersuisut maannarpiaq siunnersortinik misissuittisinerup tullianik aallartitsisussanngorput (imm. 2). Misissuinermi utertiteriaatsimik nutaamik atuilernissap teknikkimut, avatangiisinut aningaasaqarnermullu tunngasortai itisiliiffiqineqassapput, taakkunungalu imeruersaatiniq nioqqutissanik poortuutissanillu assigiinngitsunik amerlanerusunik ilaatitsisinnaaneq, taakkulu Kalaallit Nunaat tamakkerlugu siaruartinneqarsinnaanerit ilaatinneqassapput.

Misissuineq poortueriaatsit atorneqartut allanngortinneqarsinnaanersut pillugu Naalakkersuisut aalajangiinissaannut tunngaviliissaq.

Apeqqutit matuma kinguliani sukumiisumik akissuteqarfigineqarput.

1. Imeruersaatit soorlu sodavandit immiaaqqallu utertittagaanngitsunik puullit pisiniarfinni tuniniarneqarsinnaanerit ammaanneqassappat Nuuk Imeq-mut aningaasaqarniarnikkut suliassaqarniarnikkullu qanoq kinguneqarsinnaanera Naalakkersuisunit qanoq ilimagineqarpa?

Immiaaqqanik imeruersaatiniillu, maanna suliassaqarfimmut maleruagassanik ilaanngitsunik tuniniaanissaq ammaanneqarpat, tamanna qanoq Nuuk Imeq-mut isumaqassanersoq kisitsitalissallugu suli siusippallaarpoq. Misissuinermit matuma siuliani taaneqartumi suleriaatsimik nutaamik atuutsitsilerneq qanoq inuiaqatigiit aningaasaqarnerannut kinguneqassanersoq, tamannalu nunatsinni sulisoqarnermut qanoq sunniuteqassanersoq pillugu naliliinissarpiaq siunertaasunut ilaavoq.

2. Imeruersaatit utertittagaanngitsunik puullit tuniniarneqarsinnaanngornissaat anguniarlugu Nuuk Imeq-p kisermaassisuunermik pigisaqarnera Naalakkersuisut allanngortissallugu piumassuseqarpat?

Poortueriaaseq atorneqartog ingerlaannassanersoq, imaluunniit imeruersaatit poortueriaatsillu allat suleriaasissamut nutaamut ilaatinneqassanersut aalajangiinissamut misissuinerit inernissaat apeqqutaasorujussuussapput. Taakku pigineqaleriapata ingerlaqqiffissaq pillugu Naalakkersuisut aalajangiissapput.

3. Imeruersaatit pineqartut soorlu ilaatigut qillertuusanik puullit tuniniarneqarsinnaangussappata avatangiisimut qanoq sunniuteqassanersoq Naalakkersuisut qanoq ilimagaat?

Naalakkersuisut poortueriaatsimik, aammattaaq pinngortitamut avatangiisinullu najukkatsinnut iluaqutaasumik atuutsitsisoqalernissaa kissaatigaat. Taamaattumik misissuinerimi taaneqartumi poortueriaatsimik nutaamik atuutsitsilersinnaanermi avatangiisinut sunniutissat eqqarsaatigineqassapput.

4. Imeruersaatit immiaaqqallu qillertuusanik puullit puusa utertittagangortinneqarsinnaanerat Naalakkersuisut isumaliutigisinnaavaat?

Qillertuusanik utertisisinnaaneq poortueriaatsinik nutaanik atuutsitsilersinnaanermut periarfissanik misissuinerimut matuma siuliani taaneqartumut ilaatinneqassaaq.

5. Imeruersaatit immiaaqqallu qillertuusanik puullit puui utertittagangortinneqassappata utertitsisarnermut nutaamik (annertusisamik) aaqqissuussineq aningaasartuutinik sunik nassataqassanersoq Naalakkersuisut ilisimavaat?

Poortueriaatsip nutaap qanoq aningaasaqarnermut kinguneqarnissaanut kisitsisitaliissalluni suli siusippallaarpoq. Unammilleqatigiinnermik Nakkutilliisoqarfik 2012-imi nalunaarusiamik saqqummiussivoq, poortueriaatsimik atorneqartumik allannguinerimi inuiaqatigiit aningaasaqarneranni iluanaaruteqartoqarsinnaaneranik tikkuussisumik. Misissuinerini pisussani inuiaqatigiit aningaasaqarnerannut kingunerisassanik sukumiinerusumik misissuisoqassaaq.

6. Imeruersaatit immiaaqqallu qillertuusanik puullit puui utertittagangortinneqassappata inuussutissarsiuteqartunummita qanoq kinguneqassasoq Naalakkersuisut naatsorsuutigisinnaavaat?

Poortueriaatsimik nutaamik atuutsitsisoqalissappat, aamma tamatuma namminersorluni inuussutissarsiortut suliaat aningaasaqarnermullu kingunerisassai eqqarsaatigineqassapput. Taamaattumik tamanna aamma misissuinerimut, matuma siuliani taaneqartumut ilaatinneqassaaq.

Inussiarnersumik inuulluaqqusillunga